



Broj: 05/7-39-1-178-60/20

Sarajevo, 22. 6. 2020.

Z A P I S N I K

60. sjednice Vijeća nacionalnih manjina BiH, održane 22. 6. 2020.

Sjednica Vijeća nacionalnih manjina BiH počela je u 17 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Nedžad Jusić, Tijana Vučurević, Marija Grbić, Hakan Varan, Eva Pašić-Juhas, Mladen Radmilović, Halil Bicaj, Jakob Finci i Dejan Piotrovski.

Sjednici nije prisustvovala Vjeročka Gajić.

Sjednici su, također, prisustvovali: Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama i NVO-ima, Aleksandar Panić, predstavnik Društva Crvenog križa Bosne i Hercegovine, Branislava Vignjević, stručna savjetnica u Zajedničkoj komisiji za ljudska prava, i Zoran Žuža, šef Odjela za informiranje u Sektoru za odnose s javnošću Parlamentarne skupštine BiH.

Članovi Vijeća nacionalnih manjina BiH **jednoglasno su usvojili** sljedeći

D N E V N I R E D

1. Usvajanje Zapisnika 59. sjednice Vijeća nacionalnih manjina BiH;
2. Razmatranje Prijedloga rasporeda troškova Vijeća nacionalnih manjina BiH za 2021. godinu;

3. Razmatranje Prijedloga poslovnika Vijeća nacionalnih manjina BiH;
4. Razmatranje Prijedloga inicijative za prikupljanje informacija o iznosu pomoći za romsku populaciju tokom pandemije koja je realizirana putem nevladinih organizacija, podnosilac: Tihomir Knežiček;
5. Razmatranje inicijative za odricanje 20% jednokratne naknade za rad u Vijeću nacionalnih manjina BiH za podršku pripadnicima nacionalnih manjina koji su ostali bez posla tokom pandemije uzrokovane virusom COVID-19, podnosilac: Tihomir Knežiček;
6. Tekuća pitanja.

Ad. 1. Usvajanje Zapisnika 59. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. S obzirom na to da nije bilo zainteresiranih za raspravu, pristupilo se glasanju te je Zapisnik 59. sjednice **jednoglasno usvojen**.

Ad. 2. Razmatranje Prijedloga rasporeda troškova Vijeća nacionalnih manjina BiH za 2021. godinu

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Nedžad Jusić, Eva Pašić-Juhas, Mladen Radmilović, Velibor Kuvač i Tihomir Knežiček.

Nakon rasprave, članovi Vijeća su, s **11 glasova „za“ i šest glasova „protiv“, usvojili** Prijedlog rasporeda troškova Vijeća nacionalnih manjina BiH za 2021. godinu, u iznosu od 31.000 KM.

Članovi Vijeća nisu podržali prijedlog Nedžada Jusića da se u raspored troškova Vijeća nacionalnih manjina BiH za 2021. godinu uvede dodatna budžetska stavka od 50.000 KM koja bi se odnosila na efikasniju saradnju Vijeća nacionalnih manjina s bazom, odnosno s udruženjima iz kojih dolaze i koje predstavljaju.

Ad. 3. Razmatranje Prijedloga poslovnika Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Tihomir Knežiček, Andrija Svatok i Jakob Finci.

Članovi Vijeća **jednoglasno su** usvojili Poslovnik Vijeća nacionalnih manjina BiH s dopunama koje su definirane na samoj sjednici, a odnosi se na član 16. st. (1) i (2).

U članu 16. stav (1) glasi:

Sjednice Vijeća su, u principu, otvorene za javnost, osim ako drugačije ne odluči predsjedavajući.

U članu 16. stav (2) glasi:

Vijeće može prezentirati javnosti rezultate svog rada u formi saopćanja ili na konferenciji za novinare i na drugi način radi informiranja javnosti.

Ad. 4. Razmatranje Prijedloga inicijative za prikupljanje informacija o iznosu pomoći za romsku populaciju tokom pandemije koja je realizirana putem nevladinih organizacija, podnosilac: Tihomir Knežiček

Predsjedavajući Vijeća nacionalnih manjina BiH Andrija Svatok otvorio je raspravu. U raspravi su učestvovali: Tihomir Knežiček, Nedžad Jusić, Dragan Marković, Želimir Lalić, predstavnik Ministarstva za ljudska prava i izbjeglice BiH, i Aleksandar Panić, predstavnik Društva Crvenog križa BiH.

Nakon što su razmotrene prikupljene informacije o iznosu pomoći za romsku populaciju tokom pandemije virusa korona (COVID-19), koja je realizirana putem nevladinih organizacija, Vijeće nacionalnih manjina BiH **primilo je k znanju** dopune ove informacije koje su iznijeli predstavnici Ministarstva za ljudska prava i izbjeglice BiH i Društva Crvenog križa BiH.

Ad. 5. Razmatranje inicijative za odricanje 20% jednokratne naknade za rad u Vijeću nacionalnih manjina BiH za podršku pripadnicima nacionalnih manjina koji su ostali bez posla tokom pandemije uzrokovane virusom COVID-19, podnosilac: Tihomir Knežiček

Predsjedavajući Vijeća nacionalnih manjina BiH Andrija Svatok otvorio je raspravu. U raspravi su učestvovali: Velibor Kuvač, Nedžad Jusić, Tihomir Knežiček, Eva Pašić-Juhas, Dragan Marković i Dejan Piotrovski.

Članovi Vijeća, s **11 glasova „protiv“, četiri glasa „za“ i dva glasa „suzdržan“, nisu** prihvatili inicijativu (u obliku u kojem je iznesena) za odricanje 20% jednokratne naknade za rad u Vijeću nacionalnih manjina BiH za podršku pripadnicima nacionalnih manjina koji su ostali bez posla tokom pandemije uzrokovane virusom COVID-19.

Ad. 6. Tekuća pitanja

Nakon što se Vijeću obratio Zoran Žuža, šef Odjela za informiranje u Sektoru za odnose s javnošću Parlamentarne skupštine BiH, Vijeće je **jednoglasno odlučilo** da se informacije sa

sjednica Vijeća nacionalnih manjina BiH objavljuju naredni dan u 10 sati jer će imati veći efekat, odnosno veći dio medija objaviti će informacije nego kada se one plasiraju uvečer.

Nedžad Jusić informirao je članove da su on i predsjedavajući Vijeća Andrija Svatok prisustvovali sjednici Zajedničke komisije za ljudska prava na kojoj je razmatrana inicijativa za formiranje interresorne radne grupe za izradu Zakona o vijećima nacionalnih manjina u Bosni i Hercegovini, koja nije usvojena, ali da je Zajednička komisija preporučila da se pristupi izradi izmjena i dopuna postojećeg Zakona o pravima pripadnika nacionalnih manjina.

Također ih je informirao da je Zajednička komisija za ljudska prava usvojila kriterije za izbor članova Vijeća nacionalnih manjina BiH, te da će na jednoj od narednih sjednica trebati verificirati novi tekst Prijedloga odluke o osnivanju Vijeća nacionalnih manjina BiH, te ga dostaviti domovima na usvajanje. Tek po usvajanju Odluke bit će raspisan javni poziv za izbor novog članstva Vijeća, a tada bi se na odobrenje domovima dostavio i novi tekst Poslovnika Vijeća nacionalnih manjina BiH.

Sjednica Vijeća nacionalnih manjina BiH završena je u 18.20 sati.

Sastavni dio Zapisnika je tonski snimak 60. sjednice Vijeća nacionalnih manjina BiH.

Stručna savjetnica

Branislava Vignjević

Predsjedavajući

Vijeća nacionalnih manjina BiH

Andrija Svatok